

aut dulcem , aut terribilem ex ejus ore in totius generis humani con-  
specu accepturi . Tunc in Christo , ut ait Apostolus prima ad Corinth .  
XV. 22. omnes vivificabuntur . Denique finis , quum Christus tradiderit Re-  
gnum Deo & Patri . Novissima autem inimica destructur mors . Sunt in  
hanc rem non pauca Scripturarum loca clarissima , ac proinde Resur-  
rectionem Mortuorum , & gloriolum Christi adventum ad iudicandos in  
fine Mundi universos homines . veluti unum & praecipuis Christiane  
Fidei Articulis credimus & veneramur . Sacrae vero Literae , que Re-  
surrecturos homines spe tradunt , de Corpore id tradunt , de Anima  
vero silent ; ut enim Sancti Patres animadverterunt , unum Corpus  
in morte hominis cadit , atque Anima ab eo sejuncta vivere pergit .  
Propterea Matth . XXVII. 52. Multa Corpora Sanctorum , qui dormierant ,  
surrexerunt . Ita & Apostolus cum in multis locis , tum praesertim in  
eodem Cap . XV. mortuorum Resurrectionem describens , de Corpore  
tunc suscitando , & ad incorruptionem transferendo loquitur ; de Ani-  
ma vero nihil habet . In prima quidem ad Thessalonicens . V. 23.  
optat , ut integer Spiritus & Anima , & Corpus sine quereli in adventu  
Domini nostri Iesu Christi servetur . Verum ea de adhuc viventibus di-  
cit , & ad jam vita sanctos non pertinent . Nam , uti palam facie-  
mus , non unum Christi Domini Adventum sacrae Literae tradide-  
rant ; atque in illo Apostoli loco nihil aliud designari contendimus ,  
nisi accessum Christi Judicis ad singulorum Fidelium mortem . Sed  
ubinam post Corporis mortem Animæ vivunt , præcipue postquam  
Christus resurrexit , atque in coelestem aulam concendit ? Catholico-  
rum sententia est , Impiorum aut Improborum Animas sine vera poe-  
nitentia decedentes , ad Inferorum supplicia illico ferri . Piorum ve-  
ro , dum culparum nihil expiandum eis restet , in Cœlorum Regnum  
convolare , & divinae Visionis compotes fieri . Ad istius doctrinæ fir-  
mamentum hæc Scripturarum loca Sanctus Thomas Aquinas , Duran-  
das , Cardinalis Bellarminus , aliquique doctissimi viri jamdiu attulere .  
Ecclesiastici Cap . XI. 28. Facile est coram Deo in die obitus retribuere  
unicuique secundum vias suas . Tum additur ; In fine hominis denudatio  
operum illius . Quæ Justorum ac Injustorum Retributio futura sit , non  
semel Christus , ejusque Apostoli nos edocuerunt . Et quum hanc in  
die obitus unusquisque a Deo recepturus dicatur , non Corpus quidem  
sed Anima , jam tum ad gaudium , sive ad supplicia transibit . At  
Ecclesiastici Librum , inquit Protestantes , minime inter Canonicas  
Scripturas recensemus . Ut ut sit , negare saltem nequeant , quin ve-  
neranda in primis antiquitate mitatur , & tanquam Agiographus Li-  
ber secundi ordinis laudatus fuerit vel ipso Secundo Ecclesiæ Sæcu-  
lo , a Tertulliano , & Clemente Alexandrino , deinde ab Origene ,  
Cypriano , Athanasio , Basilio , Cyryllis ambobus ; Gregorio Nazian-  
zeno & Nysseno , Chrysostomo , Epiphanius , Ambrosio , Hieronymo ,  
Augustino , atque ab aliis non paucis . Ergo velis nolis , luculentum  
habes testimoniū , qualis in primitiva Ecclesia foret Opinio de mercedeis